

I N F O R M A C I J S K I S I S T E M - O S N O V A
Z A U S P J E Š N I J I M A R K E T I N G

1. UVOD

Napori radnih ljudi usmjereni na proizvodnu aktivnost imaju svoj smisao i vrijednost samo ako je produkt ljudskih i materijalnih ulaganja - proizvod - zadovoljio nečije potrebe. Zadovoljenje pojedinačnih potreba istovremeno znači i zadovoljenje društvenih potreba što je uz optimalizaciju dohotka osnovni cilj udruženih proizvodjača.

Osnovne organizacije udruženog rada valoriziraju svoju proizvodnu aktivnost na tržištu. Samo prodani proizvod omogućuje radnoj organizaciji stjecanje dohotka, a time i jednostavnu i proširenu reprodukciju.

Iz toga jasno proizlazi ishodište poslovne politike radne organizacije, a to je tržište, potrebe kupaca, faktori koji determiniraju potražnju, proizvod sa svojstvima koja optimalno zadovoljavaju potrebe, načini i tehnike prodaje, te informiranje i poticanje potrošačke aktivnosti.

Ovakav pristup u poslovnoj politici organizacije udruženog rada znači prihvatanje tržišne orijentacije, odnosno marketing koncepcije.

2. OSNOVE MARKETING ORIJENTACIJE

"Suvremeni marketing označava poslovnu aktivnost koja povezuje proizvodnju i potrošnju na način da se maksimalno zadovolje potrebe društva koje se na tržištu pojavljuju kao potražnja".¹⁾

Povezivanje proizvodjača i potrošača odvija se preko tržišnog mehanizma. Uloga marketinga kao ekonomskog procesa jest da doprinese pretvaranju potencijalne potražnje u efektivnu potražnju u cilju stvarnog zadovoljenja potreba. Marketing svojim metodama i tehnikama djeluje na smanjenje utjecaja prostorne i vremenske podvojenosti učesnika u robnoj razmjeni - proizvodjača i potrošača.

1) Dr F.Rocco: *Osnove tržišnog poslovanja*, "Informator" Zagreb 1974.god. str.7.

Marketing upućuje da se poslovna aktivnost proizvodnih subjekata mora odlikovati aktivnim pristupom prema svim oblicima privrednog života što znači da ona mora stvoriti uvjete za valoriziranje i uspješno prilagodjavanje faktorima okruženja radne organizacije.

Ovakva koncepcija u poslovnoj politici rezultat je razvoja znanosti i tehnike. Povećane mogućnosti proizvodnje dobara stvorele su disproporciju između proizvodnje i potrošnje pa je bilo neminovno mijenjati shvaćanja u poslovnoj politici. Osnovna premissa novih shvaćanja je u društvenoj opravdanosti samo one proizvodnje koja je temeljena na stvarnoj potražnji.

Razumljivo je da nije uvijek postojao aktivan pristup privrednih subjekata tržišnoj problematici.

Krajem prošlog i početkom ovog stoljeća dominirala je u privredno razvijenim zemljama tako zvana proizvodna orijentacija. Osnovno obilježje ove orientacije bilo je u povećanju volumena proizvodnje, povećanju proizvodnosti i izvršenja plana. Proizvodni sektor bio je najvažnija funkcija u poduzeću gdje su vodeću ulogu imali tehnički kadrovi. Smatralo se da prodajno osoblje mora biti sposobno da proda robu. Zbog uskog assortimenta proizvoda i nestošice pojedinih roba takva shvaćanja su bila logična.

Medutim, tehničko-tehnološki progres omogućuje nagli porast proizvodnje, hiperproduciju pojedinih proizvoda i sve veće teškoće u plasmanu. Tako između 1930. i 1950. godine bilježimo u razvijenom svijetu proizvodnu orijentaciju koja predstavlja zaokret prema komercijalizaciji proizvodnje. To znači da se izgradjuje drugačiji pristup prema potrošaču, intenzivnije se provodi istraživanje tržišta, organizacijski i kadrovski se jača funkcija prodaje itd. Orijentacija na raketninga javlja se pedesetih godina. Težište poslovanja leži u zadovoljenju potreba kupaca. Marketing isključuje stihijsko ponašanje prema tržištu. Marketing je smisljeni i planski pristup povezivanja proizvodnje i potrošnje, on je fundiran na istraživalačkom programu i od njega polazi.

Marketing promatran kao funkcija u radnoj organizaciji počiva na četiri svoje potfunkcije:

- marketing istraživanja i informacije
- politika proizvoda
- prodaja i distribucija
- komuniciranje s tržištem.

Umješno povezivanje svih četiriju potfunkcija u kontinuiranu aktivnost nazivamo proces marketinga. Drugim riječima marketing proces se odvija kroz njegove funkcije, i to tako da započinje upoznavanjem potrošača i njegovih potreba, a završava zadovoljenjem tih potreba.

3. MARKETING ISTRAŽIVANJA I INFORMACIJE - OSNOVA PLANIRANJA RAZVOJA ORGANIZACIJA UDRUŽENOG RADA

"Osnovne karakteristike suvremenog društva i glavni uvjet njegovog brzog napretka je usmjeravanje razvoja.

Brz razvoj i uskladjene promjene u strukturi privrede moguće je ostvariti samo ako se društvena sredstva racionalno koriste i ako se njima postižu optimalni ekonomski rezultati. Danas se već sasvim spoznalo da je svjesno usmjeravanje razvoja postalo nužno ne samo za postizavanje efikasnog razvoja već i za unapredjene proizvodnih, odnosno i medjuljudskih odnosa".²⁾

Nagli razvoj znanosti, tehničko-tehnološki progres, medjusobna povezanost i uvjetovanost radnih organizacija i ostra konkurenčka borba na domaćem i svjetskom tržištu neminovno nameću potrebu za dugoročnom poslovnom politikom i trajnijim rješenjima.

Planiranje razvoja ne može se bazirati na extrapolaciji prošlosti jer ne uzima u obzir utjecaj svih faktora i uvjeta koji bi se u budućnosti mogli pojaviti. Zbog toga se planiranje razvoja mora oslanjati na predviđanje budućih pojava i dogadjaja temeljenim na kontinuiranom znanstvenom i stručnom istraživanju. U sferi široke potrošnje brzo dolazi do razvoja novih proizvoda jer je faktor diversifikacije vrlo prisutan. Razvijene zemlje u desetgodišnjem periodu izmijene asortiman proizvoda gotovo sto posto. U takvim uvjetima politika asortimana proizvoda mora biti plod pažljivog istraživanja tržišta, proizvodnih mogućnosti, uvodjenja tehničkih inovacija, jačanja kadrovskog potencijala i raspoloživih financijskih sredstava.

Proizvod nije vječan, on ima svoj životni vijek, što ukazuje da je proizvodni program dinamičan. Izmjene programa moraju biti rezultat istraživanja, analiziranja i proučavanja potreba koje se manifestiraju na tržištu.

Koncepcija samoupravnog planiranja polazi od toga da se razvojna

2) Dr M.Novak: Razvojna politika poduzeća, "Informator", Zagreb 1972.godine,str.7.

politika samoupravnog društva može ostvarivati na bazi privrednog sistema koji se razvija na temelju institucija društvenog vlasništva, samoupravljanja i udruživanja rada i sredstava, kao model socijalističke samoupravne privrede.

Za uspješno djelovanje takvog sistema nužna je povezanost tržišnih i planskih komponenata.

Upravo marketing koncepcija polazi od tržišnih i planskih elemenata u kojima je predviđanje budućih tokova uz svjestan rizik jedan od osnovnih postulata poslovne politike. Jer planiranje je svjesno usmjeravanje, usklajivanje i razrada programa s unaprijed proračunatim rasporedjivanjem elemenata i faktora predstojećeg procesa i predviđanje njegovih tokova i rezultata.

Ne želimo li dakle stihiju u ponašanju privrednih subjekata, moramo planirati, istraživati, predviđati i aktivno utjecati na kreiranje budućnosti. Na to nas obvezuje i član 69. Ustava SFRJ.

Planiranjem aktivnosti organizacije udruženog rada želimo iz pasivnog priloga davanja tržištu prijeći u ulogu aktivnog i utjecajnog sudionika u procesu privredjivanja. Zbog toga organizacija udruženog rada mora imati jasnu koncepciju svog budućeg razvoja, pri čemu je planiranje način pripremanja organizacije udruženog rada za budućnost.

U današnjim uvjetima privredjivanja organizacije udruženog rada često čine greške koje imaju velike posljedice za njih same, privedu i društvo kao cjelinu.

Medju najveće greške, koje čine marketing orijentirane organizacije udruženog rada, spadaju: 3)

- ne održava se proizvod suvremenim,
- greške u točnoj procjeni tržišnog potencijala,
- ne uvažavanje regionalnih razlika u tržišnom potencijalu i trendovima,
- ne uvažavanje sezonskih razlika u potražnji kupaca,
- organizacija udruženog rada ne pridržava se ustalovljene politike s dugoročnim ciljevima,
- na tržištu se ne testiraju nove ideje,
- ne provjeravaju se ideje dok se proizvod radne organizacije nalaže u usponu,

3) Dr M. Milisavljević: *Marketing, "Savremena administracija", Beograd, 1973, str. 123 (izvodi)*

- ne integriraju se sve faze marketinga u jedan opći program;
- koordinacija je ključna riječ,
- objektivno se ne ocjenjuju konkurenčki proizvodi.

Nesumnjivo je da dio navedenih problema proizlazi zbog nestručnog i lošeg gospodarenja, no sigurno je da veliki utjecaj ima i neadekvatno informiranje.

Tržišne informacije čine osnovu privredne aktivnosti među kojima planiranje i razvoj imaju posebnu ulogu. Stoga je djelovanje poslovnog informacijskog sistema u organizaciji udruženog rada od velikog značenja.

Funkcija istraživanja marketinga daje najveći dio eksternih informacija o tržišnim kretanjima za potrebe informacijskog sistema. Ona osigurava potrebne informacije za sve ostale marketinške funkcije rukovodstvu radne organizacije i organima upravljanja. "Marketing može svojom tehnikom istraživanja, spoznavanja potreba i potražnje, rješenjima u sferi planiranja, razvoja i lansiranja proizvoda (usluga) na tržiste, unaprijediti tokove produkcije u zadovoljenju razvoja proizvodnje i tržista, učiniti proizvodnju optimalno prilagodjenu stvarnim potrebama potrošača i uskladiti proizvodnju sa adekvatnim društvenim potrebama za reprodukcijom i razvojem". 4)

Središnja točka marketinga istraživanja je nosilac potreba-čovjek. "Da bi se ostvarili ciljevi samoupravnog socijalizma, u smislu humanizacije čovjeka, na svim područjima njegove društvene djelatnosti, čovjek kao cjelovita ličnost i njegove potrebe trebao bi postati ideja vodilja u svim aktivnostima koje provodi društvo". 5) Istraživanje marketinga mora se provoditi kontinuirano. O tome dr Milanović kaže: "Da bi se obezbedio sistematski pristup u vidu permanentnog procesa programiranja i realizovanja elemenata marketinga, neophodno je uspostaviti kontinuirani proces prikupljanja i korišćenja informacija iz eksternih i internih izvora". 6)

Interne informacije potiču iz operative prodaje i drugih funkcija (računovodstvo, proizvodnja).

Eksterne informacije prikupljaju se od potrošača, tržista i društveno ekonomске sredine.

4) Dr A.Bazala: *Marketing istraživanja*, "Privredni pregled", Beograd, 1974, str.34.

5) Dr A.Bazala: *Cit.djelo*, str.39.

6) Dr R.Milanović: *Osnovi marketinga*, "Svjetlost" Sarajevo, 1975, str.152.

4. MARKETING INFORMACIJSKI SISTEM

Za dobro upravljanje i rukovodjenje u radnoj organizaciji bitan je uvjet razradjen djelotvorni sistem informiranja. Ako je organizacija udruženog rada tržišno orijentirana, tada je potrebno uvesti i dobro organizirati specifičan podsistem koji nazivamo *Marketing informacijski sistem*.

Radne organizacije u suvremenim uvjetima donose poslovne odluke na temelju velikog broja informacija i obavještenja kako bi rizik bio što manji. Stoga je zadatak informacijskog sistema da:

- kontinuirano prikuplja podatke i informacije,
- registrira i obradjuje prikupljeni materijal,
- vrši analizu podataka,
- opskrbljuje informacijama organe upravljanja i poslovne funkcije,
- pohranjuje informacije.

Očito je da je informacija dobra u koliko nam omogućuje ocjenu sadašnjosti i sagledavanje budućnosti. Međutim, bitno je da je informacija pravovremena kako bi organi upravljanje i rukovodjenja mogli donositi brze i uspješne odluke.

Zaoštrevanje odnosa na tržištu nameće marketing službi zahtjev za velikom fleksibilnošću i brzom prilagodjavanju dinamičnim promjenama. Stoga marketing informacijski sistem treba postati ishodišno, ali i djelotvorno mjesto za "opskrbljivanje" informacija potrebnih u vodjenju poslovne politike.

Govoreći o marketing informacijama dr Obraz kaže: 7)

"Sumirajući ulogu, značenje i raznolikost informacija, kojima se služba marketinga služi u pripremi dobrih poslovnih odluka u tekućoj i razvojnoj poslovnoj politici, dolazimo do spoznaje da se one mogu grupirati u sljedeće osnovne skupine:

- informacije koje služe za stvaranje osnovnih predodžbi o stanju, razvoju i konstelacijama tržišnog okruženja organizacije udruženog rada (podaci i informacije o tržišnom okruženju),
- informacije koje služe kao podloga za definiranje ciljeva poslovne i razvojne strategije organizacije udruženog rada (ciljevi marketinga),

7) Dr R. Obraz: *Suvremena prodaja, "Informator"*, Zagreb, 1975, str. 388.

- informacije koje služe donošenju poslovnih odluka (podaci za procese planiranja poslovnih aktivnosti i za realizaciju postavljenih planova),
- podaci za kontrolu efikasnosti poslovnog sistema, uključujući na tom području i efikasnosti marketing aktivnosti,
- podaci i informacije za vršenje potrebnih ispravaka tekuće i razvojne poslovne politike organizacije udruženog rada".

Isti autor govoreći u nastavku o klasifikaciji podataka za potrebe prodaje, a što je nesumnjivo i najznačajnije u marketing aktivnosti, daje slijedeći plan podataka po područjima:

P o d a c i o t r ž i š n o m o k r u ž e n j u ; izvršenje društvenih planova, konjunkturna konstelacija domaćeg tržišta i u svijetu, razvoj nauke i tehnike u matičnoj industrijskoj grani, stanje platne i trgovinske bilance zemlje, raspodjela društvenog proizvoda zemlje, kretanje cijena, troškova života i društvenog standarda, karakteristike kreditno monetarne politike, institucionalne mjere i drugo.

P o d a c i o t r ž i š t u ; karakteristike ponude i potražnje, nosioci potreba, apsorpciona moć tržišta, udio organizacije udruženog rada u podmirenju potreba tržišta, kretanje izvoza i uvoza, politika cijena, valutni tečajevi, prognoze budućih kretanja i tržišne konstelacije itd.

P o d a c i o p r o i z v o d i m a ; obilježje proizvodnog programa i assortimenta, ocjena starosne strukture proizvoda, karakteristike politike proizvoda, udio proizvoda u izvozu, podaci o "image" proizvoda itd.

P o d a c i o r e a l i z a c i j i ; realizacija po proizvodima, prodajnim područjima na domaćem i stranom tržištu, prema osnovnim kupcima i drugo.

P o d a c i o p o s l o v n o j k l i j e n t e l i ; broj kupaca i njihove karakteristike, trajanje poslovnih veza, teritorijalna dislokacija, efekti prodaje itd.

P o d a c i o k o n k u r e n c i j i ; pregled konkurenckih organizacija, udio konkurenata na tržištu prema regionalnom utjecaju, poslovna klijentela, prodajne cijene i uvjeti prodaje, ulaganja u istraživalački rad, metode i kanali prodaje, politika proizvoda i inovacijski procesi, politika kreditiranja, način obrade tržišta i drugo.

Iako, razumljivo, ovo nisu svi podaci koje treba radna organizacija za uspješno poslovanje, već i ovaj broj pokazuje veliki obim i raznolikost.

Gotovo je nemoguće zamisliti danas uspješno djelovanje Marketing informacijskog sistema bez primjene kompjutera uz čiju je pomoć moguće brže obradjavati i koristiti informacije. To se naročito odnosi na veće radne organizacije gdje bi ručna obrađa podataka uzrokovala zastarjevanje informacija a samim tim i nepodesnu osnovu za poslovne odluke.

ZAKLJUČAK

Za uspješno provođenje marketing koncepcije u radnoj organizaciji potrebno je uvesti Marketing informacijski sistem. Da bi "MIS" mogao uspješno djelovati, potrebno je organizirati tokove ulaznih, internih i izlaznih informacija. Kako je marketing dinamičan proces jer ovisi o tržišnim promjenama, to i sistem informacija mora biti fleksibilan. Uvodjenje sistema mora biti postupno, bazirajući se na potrebama radne organizacije i troškovima koje njegovo uvodjenje izaziva. Ne treba uporno ustrajati na uvodjenju "MIS"-a kod manjih radnih organizacija gdje služba za istraživanje tržišta osigurava dovoljno tržišnih informacija.

U radnim organizacijama, koje imaju razvijeni računski centar, potrebno je osigurati koordinaciju "MIS"-a i računskog centra kako bi "MIS" postao dio općeg sistema informiranja.

Za uspješno djelovanje "MIS"-a potrebno je osigurati suradnju s osnovnim funkcijama u radnoj organizaciji, kao što su proizvodna, računovodstveno-financijska, kadrovska, razvojna itd.

Vjerujemo da će privredni subjekti, respektirajući Ustav, Zakon o udruženom radu i osnovne postulate privrednog sistema, sve više prihvaćati tržišnu (marketing) orientaciju u svojem poslovanju a samim tim uočiti i potrebu uvodjenja Marketing informacijskog sistema.

LITERATURA:

- Dr F.Rocco:* *Osnove tržišnog poslovanja, "Informator"*
Zagreb, 1974.god.
- Dr M.Novak:* *Razvojna politika poduzeća, "Informator"*
Zagreb, 1972.god.
- Dr M.Milisavljević:* *Marketing, "Savremena administracija"*
Beograd, 1973.god.
- Dr A.Bazala:* *Marketing istraživanja, "Privredni pre-gled", Beograd, 1974.god.*
recenzent
- Dr R.Milanović:* *Osnovi marketinga, "Svjetlost" Saraje-vo, 1975.god.*
- Dr R.Obraz:* *Suvremena prodaja, "Informator" Zagreb, 1975.god.*
- Mr Z.Drvar:* *Marketing istraživanja, osnova planiranja razvoja organizacija udruženog rada, "Market-ing klub", Varaždin, 1975.god.*
- Simpozij:* *Evolucija marketinga u samoupravnoj soci-jalističkoj privredi, Dubrovnik, 1975.god.*